



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Emblema. II. primæ tabulæ.

urn:nbn:de:hbz:466:1-38397

Emblema II. Primæ Tabulæ.

Vir timoratus.

*Curauit Stephanum, & fecit planctum magnum
super eum. Act. 8.*

Idem Tabulæ depicta uidetur, & S. Stephani Pro-
thomartyris effigies, cuius historiam, idest Lectio-
nes nocturnas, & Officium tam diurnum, quàm
nocturnum, quousque in præsens Sancta Roma-
na Ecclesia in Breuariis suis utitur, composuit hic
Alcuinus noster pro sua in eum deuotione, ut re-
fert Rat. diuin. offic. lib. 7. c. 42. & alij nonnulli. Et licet, & aliorum
multorum Sanctorum officia, ac cantus fecerit (torum enim of-
ficium Ecclesiasticum, per Attilam in multis Germaniæ, & Galliæ
partibus igni traditum, ipse in melius restituit, quod à Concilio Mo-
guntini Patribus approbatum Ecclesiæ Germanicæ præsertim, &
Gallicæ, inseruiuit, usque ad Concilium Tridentinum tempora) nullum
tamen eorum apponendum iudicauimus, quod de nullo quoquam
præterquam de S. Stephano particularis fiat memoria. Tribuitur
hæc laus à nonnullis Stephano Episcopo Leodiensi X. sed is. In-
uentionis tantum Responsoria fecit, ut cum Demochare de sacrifi-
ciis, tomo 2. c. 37. narrant *Rationalia diuinorum.*

Emblema Tabulæ, quæ post tergum uisitur,

Ipse enim,

Sub ipsa Arce Gymnasium constituit. 2. Mac. 4.

Ubi autem esset in omni scientiarum genere suo
tempore celebratissimus, Carolique Magni præ-
ceptor, qui eum magistrum suum delictuolum uo-
cabat, ad sacrosanctæ Ecclesiæ laudem, rei que lit-
terariæ commodum, Studium Parisiense, quod in
Symbolo fœminæ denotatur, à Roma transla-
tum, primum omnium instituit, primosque Magistros mona-
chos omnes, Rabanum uidelicet, Ioannem, & Clementem, ad
iuuentutem litteris disciplinisque imbuendam, ordinauit. Vnde
facile est uidere, quod ab aliis multis memoriæ proditum est,
quicquid, uel politioris litteraturæ, uel solidioris doctrinæ, in

Bbb 4 illa